



Geografsko društvo Federacije Bosne i Hercegovine
Zmaja od Bosne 35
71 000 Sarajevo
Tel./Fax.:+387 33 645 328
Web site: www.pmf.unsa.ba
E-mail: geodrustvo@yahoo.com
Geographical Society of Federation of Bosnia and Herzegovina
Zmaja od Bosne 35
71 000 Sarajevo
Tel./Fax.:+387 33 645 328
Web site: www.pmf.unsa.ba
E-mail: geodrustvo@yahoo.com

Sarajevo, 05.11.2010.

Broj:

Izdavački savjet Geografskih izdanja

GEOGRAFSKI PREGLED

NAUČNI ČASOPIS IZ GEOGRAFIJE

Izdavač: Geografsko društvo Federacije Bosne i Hercegovine

Suizdavač: Odsjek za geografiju Prirodno -matematičkog fakulteta Sarajevo

UVODNE NAPOMENE

Geografski pregled je naučni časopis Geografskog društva i Odsjeka za geografiju Prirodno-matematičkog fakulteta Sarajevo. Prvi broj časopisa objavljen je davne 1957. godine i do 1991. godine izdato je 35 svesaka – brojeva.

Skupština i Upravni odbor Geografskog društva decembra 2009. godine odlučili su nastaviti izdavanje ovog naučnog glasila sa 36 sveskom i taj broj bi trebao sadržavati naučne radove koji tretiraju geografske teme Bosne i Hercegovine. Osim ovih tema Geografski pregled će obuhvatati i druge geografske radove koji pripadaju sistemu geografskih znanosti i njihovim aplikacijama, koje se odnose na fundamentalna i aplikativna geografska istraživanja, posebno ona koja tretiraju problematiku koja čini osnov naučnih i predmetnih oblasti studijskih smjerova Odsjeka za geografiju. Pored toga, Geografski pregled, u iznimnim slučajevima, može sadržavati i plenarne i zapažene radove sa naučnih skupova, kao i prilagođene diplomske, magistarske i doktorske geografske radove, o čemu konačni stav zauzima Uredništvo. Geografski pregled može sadržavati prikaze najznačajnijih geografskih djela, knjiga, monografija, značajnih radova, časopisa i dr. značajnih izdanja. Pregled će pratiti značajne datume, a koji su u neposrednoj vezi sa geografskim poimanjem objektivne starnosti od značaja za geografsku nauku.

Geografskom pregledu pripada status fundamentalnog geografskog naučnog časopisa u Bosni i Hercegovini. U njemu se objavljuju radovi koji podliježu naučnoj verifikaciji/recenziji i svrstavaju se u kategorije:

- izvorni naučni rad (original scientific paper) sadrži neobjavljene kompletne rezultate izvornih istraživanja. Izvorni rezultati se mogu naučno provjeravati. Rezultati istraživanja se ne objavljuju u drugim časopisima;
- prethodno naučno saopćenje (preliminary communication) sadrže nove rezultate istraživanja, koji ne moraju omogućavati detaljnu provjeru saopćenih naučnih rezultata;
- pregledni rad (review) je originalan i sažet kritički prikaz naučne oblasti, komponentne nauke ili naučnog područja u kojem autor i sam sudjeluje. U radu se naglašava uloga i značaj izvornog doprinosa autora u

toj naučnoj oblasti, naučno-nastavnom predmetu, naučnom području ili naučnoj specijalizaciji u odnosu na već publikovane naučne radove ili pregled tih radova:

- izlaganje (referat) sa naučnog skupa (conference paper) koji je prethodno referisano na naučnom skupu u obliku cjelovitog rada, a u slučaju da nije objavljeno u zborniku radova toga skupa.

UPUTE SARADNICIMA ZA PRIPREMU RADOVA ZA PUBLIKOVANJE

- Radovi/članci koji su ranije objavljeni u sličnom glasilu ne smiju se slati Uredništvu za objavljivanje.
- Izvorni naučni radovi će se objavljivati u kombinaciji uporedo na jednom od jezika u Bosni i Hercegovini sa engleskom vezijom, a ostali kategorijalni radovi na jednom od domaćih jezika uz obavezan sažetak/abstrakt na engleskom jeziku. O kategorijama radova odlučuje uredništvo i recenzenti.
- Članak treba biti napisan u najkraćem obliku kako ga jasnoća dopušta. Tekst treba biti koncizan i jasan, gramatički i pravopisno dotjeran i pisan u trećem licu bez pasivnih glagolskih oblika.
- Poželjno bi bilo da članak bude podijeljen na: **uvod; analiza problematika rada; rezultati rada i zaključak.**
- Obim rada, zajedno sa priložima ograničava se na maksimalno 12 stranica, pri čemu dvije ilustracije odgovaraju jednoj stranici teksta. Samo u posebnim prilikama, ako tema i sadržaj rada opravdavaju objavljivanje, Uredništvo časopisa će odobriti opseg rada u obimu jednog autorskog tabaka (16 stranica).
- **Naslov** treba biti jasan i kratak, napisan štampanim boldiranim slovima.
- **Ime(na) autora.** Navesti ime i prezime malim boldiranim slovima. Ako su dva autora između imena staviti znak &, a ako su tri i više između imena staviti interpunkcijski znak (;) a posljednjeg autora povezati sa znakom &.
- **Adresa.** Navesti instituciju i punu adresu, e-mail adresu, a u slučaju više autora označiti zvjezdicom autora za korespondenciju sa njegovom adresom.
- **Sažetak / Abstract.** Treba da sadrži esencijalni izvod i rezultate rada prezentirane dvojezično (na jednom od zvaničnih jezika u Bosni i Hercegovini i engleskom) u obimu do 250 riječi.
- **Ključne riječi / Key words.** Navesti do 10 riječi, odnosno pojmova, koji nisu sadržani u naslovu, a odražavaju suštinu prezentirane materije.
- **Skraćenice.** Detaljno navesti pregled upotrebljenih skraćenica u tekstu. Voditi računa o eventualnim standardima.
- **Uvod** sadrži objekat/predmet rada, cilj(eve) rada, sažet pregled dosadašnjih postignuć, sa pozivom na ranije izvore na istu temu i ukratko analizirati korištene metode u radu. Istaći ciljeve rada.
- **Glavnina/analiza rada** sadrži analizu problematike rada (materijal i metode rada) u kojem se, pored ostalog može saopćiti i pregled eksperimentalnog dijela rada. Prezentirani podaci se dokumentuju

literaturnim izvorima. Rezultati rada se prezentuju bez nepotrebnog ponavljanja materije koja je sadržana u uvodu, diskusiji ili nekom ranijem poglavlju, pri čemu se poziva na prikaze rezultata (tabele, grafikone, slike i sl.). Rad sadrži komentar(e) sopstevnih rezultata, njihovo značenje za datu oblast kao i komparaciju sa rezultatima drugih autora u ovoj oblasti, uz priložene odgovarajuće priloge (slike, dijagrame, kartograme, grafikone, sumarne tabele i sl.).

- **Zaključak.** U kratkim crtama prezentirati istraživani problem, primjenjenu metodologiju, ostvarene rezultate sa kraćim komentarom, bez pozivanja na tabele, grafikone i dr . priloge.
- **Literatura.** Popis literature se stavlja na kraju rada. U literaturi se navode samo citirani izvori iz teksta. Redosljed literature je abecedni. Navođenje članka iz časopisa je sljedeći: Prezime autora potom zapeta (,) pa inicijali imena iza kojeg se stavlja tačka (.) pa godina objavljivanja potom dvotačka (:) i naslov rada/članka, ime časopisa, godište, svezak, zapeta (,) i broj stranice.
Primjer: Nijman, J. 2000: The Paradigmatic City. Annals of the Association of American Geographers, 90 (1), 135-145

Knjige se citiraju na sljedeći način: prezime autora, početno slovo imena, godina izdanja, dvotačka, naslov knjige, izdavač, mjesto.

Primjer: Amendola, G. 2000: La ciudad postmoderna. Madrid. Celeste.

Posebnu pažnju treba posvetiti citiranju literature u radu. Korištena literatura citira se unutar teksta tako što se u tekstu u zagradi navodi početno slovo imena autora, iza se stavlja tačka (.), zatim njegovo prezime, potom zapeta (,) i godina publiciranog rada.

Primjer: (J. Amendola, 2000)

Ako se u navođenju koriste radovi sa dva imena onda se u zagradi navode samo prezimena između kojih se upisuje and, a potom isto kao i za jednog autora.

Primjer: (Amendola and Nijman, 2000)

Ako je isti izvor sa istom godinom izdanja onda se uz godinu dopisuju slova a; b; c;

Primjer: (J. Amendola, 2000a, 2000b)

Ako se u radu citira više od dva autora onda se navodi inicijali imena i prezime prvog potom et. al.

Primjer: (J. Amendola et al., 2000)

- Treba izbjegavati korištenje ne publikovanih izvora.
- Izvorni naučni radovi ne bi trebali sadržavati grafičku dokumentaciju drugih autora. Ukoliko se koristi takva dokumentacija iz susjednih komplementarnih nauka (primjer geologije), obavezno se citira autor.
- Ilustracije/priloge (slike, grafikone, tabele, sheme is.) moraju biti urađene u nekom od prikladnih programa, u odgovarajućoj veličini, obavezno u elektronskoj formi. Ilustracije unijeti na odgovarajuće mjesto u tekst.
- Prilozi (tabele, grafike, slike i dr.) moraju imati numeraciju i takav raspored u tekstu, da ih je moguće uvrstiti paralelno sa pozivom u tekstu.

- Broj i naslov tabele upisuje se iznad, a izvor podataka ispod tabele. Tekst uz grafičke priloge zajednički i skraćeno (Sl.) upisuje se ispod grafike. U članicama regionalnogeografskog karaktera obavezno se prilaže orijentacijski kartografski ili topografski položaj, sa upisanim nazivima koji se spominju u tekstu.
- Autori čiji rad od recenzenata i uredništva bude svrstan u izvorne naučne radove obavezni su rad prevesti na engleski jezik.
- Rukopisi se ne honoriraju.
- Rukopisi se ne vraćaju.
- Uredništvo časopisa zadržava pravo manjih izmjena teksta, lekture i grafičkih priloga .
- Tekst mora biti jasan i čist, jezički i leksički dotjeran, lektorski korektno obrađen, prezentiran u prikladnom kompjuterskom programu (poželjno u ASCII formatu, 12 pointa, Times New Roman, normal, sa duplim proredom). Novi pasus počinjati sa uvlakom od pet slovnih mjesta. Između riječi ostavljati slobodno samo jedno slovo mjesto, zarez, tačku-zarez i slične znakove stavljati uz riječ, bez praznih slovnih mjesta.
- Prva stranica treba da sadrži Naslov, Autore, Adrese, Abstract rada. Drugu stranicu početi sa Uvodom rada.
- Pripremljeni tekst u elektronskoj formi treba dostaviti Redakciji Pregleda na e-mail adresu glavnog i odgovornog urednika Prof. dr. Muriz Spahić: murizspahic@hotmail.com ili na adresu Geografskog društva Federacije Bosne i Hercegovine.
- Korekturu treba da obavi autor, a ako je više autora korespondirajući autor, u najkraćem roku, ne dužem od 3-5 dana. Korigovani tekst (samo po uputstvu redakcije) dostaviti Redakciji u elektronskoj formi i na jednoj kopiji.
- Autoru, pripada 10 separata i jedan primjerak časopisa. Ako je više autora, svakom od njih pripada po jedan primjerak časopisa.

Adresa:

GEOGRAFSKO DRUŠTVO BOSNE I HERCEGOVINE
 Zmaja od Bosne 33
 Sarajevo
 Tel. (033) 723 777
 E-mail:

Predsjednik Izdavačkog savjeta i
 odgovorni urednik Geografskog pregleda

Prof. Dr. Muriz Spahić